

## Thuawihna

Rama hi naupang kum 15 mi niin khaw te tak te Ngurlen an tihah an khawsa a. Țhian kawm nuam ti em em mi ani a, a in bula ramngaw leh luite chu an Țhian te nen chuan an ngaina hle a, an kal fo Țhin a ni.

Rama nu leh pa, Pu Lalmangaiha leh Pi Mawitei te chu an ngilnei em em a, an fapa chu an ngaihsak em em bawk a, an hmangaihin a him theih nan thurawn Țha tak tak an hrilh fo thin a ni . Mahse, Rama chuan an thusawi chu ngaithla Țha duh loin a duh dan danin a khawsa Țhin a ni.

Ni khat chu thlasik chawlh laiin Rama leh a thiante chu lui bulah an infiam a. Ni chu a sa Țha êm êm a, lui tui pawh a luang ri kerh kerh a. Rama leh a Țhianta chu hlim leh nuam ti takin an infiam a, an inkhelh lai chuan an Țhian zinga pakhat Tluangtluanga chuan thil dang an rawn rawt a. “Ramngaw lamah kal ila,” phur zet hian a rawn ti a. “Ramngaw chhung thuk takah Puk a awm tih ka hria a . Chutah chuan ro hlu a awm sin!" an rawn ti a, Rama mitmeng chu phurnain a rawn meng chhuak a, ro hlu zawn chhuah tumna chuan a ti phur hle a. “Kal ila!” a ti a. “Lui kan pel a, ramngaw kan paltlang bawk chuan Puk chu kan hmu thei ngei ngei ang nga, thim hmain kan kir leh hman ang “ tiin Puk chhunga rohlu zawn chu a chak em em a ni.

Mahse Rama chuan a pa thurawn chu a hrechhuak a. Apa chuan, “Rama, ramngaw chhungah thui lutuk kal suh. Bo palh a hlauhawm, chubakah ramsa hlauhawm tak tak te an awm a, fur lai phei chuan ruah te a tla nasa a ramngaw chhungah bo palh a hlauhawm, in hlatah awm lo tur” tih Rama chuan a pa thusawi chu rei vak lo a ngaihtuah a, mahse a rilruin, “A pawl lo, khua a Țha a, kan kal thui lutuk lo ang engkim a tha vek ang,” tiin a pa thurawn chu ngaihthah a tum ta a ni.

Rama leh a thiante chuan lui chu an kan a, ramngaw thuk zawkah chuan an kal ta a. Thingkung sang tak tak te hmuin, an kal zel a, an hlim hle bawk a ni, mahse rei lo teah, an ruahman aia hla zawkah an kal tawh tih an hre ta a ni. Van boruak chu a danglam tan ta. Chhum chu a thim zual sauh sauh a, thli chu a tleh nasa leh zual a. Rama phurna chu zawi zawiin a kiam a. “Tunah hian kan kir leh tur a ni,” a ti a. “A tlai tawh hle a, khaw awm dan pawh a danglam tawh.” tiin a mangang rilru hle a, mahse Tluangtluanga chu a tawp duh lo a. “Puk kan hnaih tawh, tlemte chauh!” a ti a, Rama chu a hruai lui ta a. Duh lo zet hian Rama chuan a thiante chu ramngaw thuk zawkah chuan a zui ta zel a. An kal lai chuan thli chu a chak zual sauh sauh a, chhum chu a thim zual sauh sauh a. Vawilehkhatah ruah chu nasa takin a sur tan ta a. Rama chu a inchhir tan ta em em a. A pa vaukhanna chu a hre reng a, hre reng chung a kal lui chu a inchhir em em a, ruah lah a nasa tual taul tawh mai si a, kawng zawh pawh chu a harsa zual sauh sauh a, hawna tur kawng zawn an tum a, mahse tunah chuan ramngaw chhung pawh engmah a hmuh that theih tawh lova, thingkungte chu an tlu a, kawng te dangin Rama te thian za ho chu an buai ta hle a ni.

“Kan bo ta!” tiin Tluangtluanga chu a tap a. “Tunah enge kan tih ang?”

Rama pawh chu a hlauthawng a. Thlipui chu a na zual sauh sauh a, in atanga hla takah an awm si a, hrehawm ati hle mai a, apa thusawi a ngaihsak lo va, tunah chuan a thiante nen buaina an tawk ta si a.

Ruah sur laka inhumhimna zawn an tum a, a tawpah chuan, an awm theihna tur puk te tak te an hmu ta a ni. Puk chhungah chuan an thu a, khaw vawt avang chuan an khur a, pawn lama thlipui ri chu an ngaithla a. Rama chu a inthiam lo hle a. A pa thurawn a ngaihthlak loh avangin tihsual a nei tih a hria. “Nu leh pa te thusawi hi kan ngaithla tur a ni,” a thiante hnenah chuan a ti a. “him taka awmtir min duh fo thin.” tiin . “Keini pawhin kan ngaithla tur a ni,” tiin Tluangtluanga chuan lungngaih hmel zet hian arawn ti ve a. An bo avang chuan an tih tur pawh chu an theihngilh vek tawh a ni.

Darkar tam tak a liam hnu chuan, ruah chu zawi zawiin a reh ta a. Thlipui chu a reh  
ṭan ta a. Rama leh a thiante chuan an haw na tur kawng zawn chu an tum chu ta a. Ramngaw  
chu a la thimin ala hlauhawm hmel hle a, mahse kir leh a ngai tih an hria a.

Hun rei tak an liam hnu chuan a tawpah chuan khua chu hla tak aṭangin an hmu ta a.  
Rama chu a hah dam ta suai suai a. Khaw lam pan chuan rang takin an kal a, Rama nu leh pa  
chuan an lo hmuak a, Apa chu a mangang hle niin a lang a, “Rama khawiah nge i kal?” tiin a  
zawt a. “Ramngaw chhungah hla lutukah kal lo turin ka hrih che a. Thil hlauhawm a thleng  
thei tih pawh ka hrih che” a ti a, Rama chu a zak hle a. Ngaihdam a dil a “Ka ngaithla lo che  
a. Keima thuin ka kal a, mahse ka tisual a ni.” tiin a pa hnenah ngaihdam a dil ta a. Rama pa  
Pu Lalmangaiha chu a nui suk a. “A pawl lo, Rama. Vawiin hian zirlai pawimawh tak i zir  
chhuak a. I nu leh pate thurawn hi ngaithla fo ang che. Kan hmangaih che avang leh him taka  
awm tir che kan duh vang zawk che a ni.” tiin Pu Lalmangaiha chuan a fapa chu a kuah a,  
Rama chu a lu a bu ngat a. “Ka hrethiam ta. Tunah chuan ka ngaithla ang che. Ka tiam e.”  
tiin chumi ni aṭang chuan Rama chuan a nu leh pa thurawn chu a ngaihtah ngai lo. A tana  
ṭha ber chauh an duh tih a hrechhuak ta. A nu leh pate’n thurawn an pek apiangin ngun takin  
a ngaithla a, nu leh pa te hi lei a kan rohlu leh kan Pathian ani tih a hre thar a, an thu a awih  
tawh em em a ni,

Chutichuan, Rama chu naupang fing leh hlim thei tak niin a lo seilian a, ramngaw  
chhunga a zir chhuah pawimawh tak chu a hre reng a, a nu leh pate thurawn ngaithla reng  
turin, a bik takin himna leh hriselna chungchangte, tin nu leh pate hian min humhim tur leh  
min kaihrui turin thurawn an pe fo thin. An thusawi ngaithlain, hlauhawm kan pumpelh thei  
a, thu tlûkna ṭha zâwk kan siam thei baw. tih chu vawng rengin a theihngilh ngai tawh lo a  
ni. Chuvangin Thuawihna neih hi a ṭha a, nakinah ka thil tih na zelah pawh malsawmna ka  
dawn theih pah dawn a ni.

Ziaktu : Joanna Lalremruati  
Pa Hming : Lalfakawma Khiangte  
Pawl zat : VI, Sec : B  
School Hming : English Congregation School  
Address : Republic, Aizawl, Mizoram  
Contact No : 9612227241/ 8731015610

